

Un scandale parut icy en matiere d'impureté trois ieunes friponnes parties des iroquois firent complot de debaucher trois personnes et pour faire plus de tort au public s'engagerent denlever celuy qui faisoit les prieres a leglise et de le faire tomber dans le peche elles firent a defsein plusieurs visites enfin Dieu conserva le dogique, mais il permit q'un ieune homme marié depuis peu succombast avec perte du costé de la misfion, mais Dieu qui scait tirer le bien des maux toucha ce ieune homme, qui estoit allé avec sa dame aux iroquois d'ou il n'estoit pas venu estant élevé dans la misfion il luy fit la grace de bien mourir entre les bras dun misfionnaire. Sa femme qui estoit si ieune qu'on disoit quelle navoit pas laage et qui se trouvoit pourtant mariée en face deglise suivit quelques iours apres son mary en l'autre monde; et la pecherefse qui avait enlevé le mary a cette femme fut touchée et a esté baptisée depuis et vit avec la crainte de Dieu dans l'estat du mariage.

Comme un contraire fait cognoistre ordinairement son contraire: l'impureté inveteree des sauvages infidelles qui venoient visiter icy et qui repandoient dans le village la puanteur de leur vice, ne servit qu'a faire paroistre la vertu des chrestiens du Sault. il y avoit desia trois ans qu'on voyoit des personnes hair tellement leur peches pafses, quelle vouloit mesme ne se marier iamais quoyque la loy le permette, et ont mesme voulu faire ce que les personnes relligieuses font pour se vouer a Dieu quelques unes ont perseveré iusques a la mort; quelques unes sont encore vivantes et ont perséveré et pafsé laage dese